



23.09.2024

UKA2024/23

**Siunnersuut uunga Kalaallit Nunaanni sulinermi ajoqusernermut isumannaarineq pillugu inatsisip allanngortinneqarnissaanut pillugu Inatsisisamut Siunnersuummut Namminersorlutik Oqartussat akuersissuteqarnissaat pillugu Inatsisartut aalajangiiffigisassaannut siunnersuut (Nalunaarutiginninnermut malittarisassanik naligiissaarineq, sulinermi ajutoornerit il.il. pineqartillugit akuersaarnissamut apeqqummik sukangannginnerusumik nalilersuineq)**

**Isumaginninnermut, Ilaqtariinnermut, Suliffeqarnermut Nunamullu Namminermut Naalakkersuisoq**

Siumuminngaaniit inatsisissaq pillugu imaattumik oqaaseqassaagut. Siumuminngaaniit pingaartitarivarput suliffeqarfuit suulluunnit suliffigineqartut innuttaasunik sillimaniarnikkut ersarissumik paasineqarsinnaasunillu atugassaqartitsisussat. Una inatsisissaq 2018-mi kingullermik nutarsarneqarpoq. Siumuminngaaniit pingaartitarivarputtaaq inatsisit ullutsinnut malinnaatillugit nutarterneqarnissaannik paasinartumillu atuisunut atortussanngortinneqarnissaat, taamaammat massakkut inatsisip pineqartup nutarterneqarnissaanik iluarismaarinilluta peqataaffigissavarput. Uanimi innuttaasut sulisut tamarmik isumannaarneqartussaassammata una inatsit sillimatitut nutarterneqartoq inatsisartuni akuerineqassappat.

Qallunaat nunaanni beskæftigelsesministerie tassa suliassaqartitsinermi ministeriaqarfik ukioq 2019-20-21 qallunaat sulinermi ajoqusernermi isumannaarinermut inatsimmik tunngasumik suliaqarput. Tassanilu aamma nunatsinnut tulluarsarlugu inatsisissaq imaqartussaavoq. Ajutoortut aamma qimataasut inatsimmi assingini peqalernissaq nunatsinni siunertaavoq.

Uani allannguutissat ilaat naatsumik oqaatigilaassuakka.

Sillimasiisarfiup suliassartik piffissarititaasup iluani naammassinnissinnaassusaa eqqaassagaanni eququutinneqarneq ajormat massakkut inatsisissap nutaassap piumasaqaatai naammassinnissinnaassusiat nukittorsarneqarnissaalutu sulissutigineqassavoq kingunerissavaalu annerusumik eqaannerusumik pisariinnerusumillu ingerlatsisinnaalertoqarnissaalutu.

Uanilu aamma inatsisissami allannguutit ilagisussaassavaat inuk ajoqusernermini ulloq sulinngiffigisa siullermiit nalunaarutigineqarnissaani aallaavinngussasoq.

Aammalu taarsiissutissat ullutsinnut naleqquttungornissaannik nutarterinissat pisussaalissaq. Akit ullutsinnut naleqquttut aallaavigalugit kiisalu naleqqersuutigineqartut qangarnisanngornerisa allanngortinneqarnissaannik kinguneqassavoq. Kiisalu aningasat taarsiissutigineqartussat ataasiartumik tunniunneqarsinnaanngornerat periarfissangngussaaq.

Kiisalu aamma sillimasiisarfiit suliemannik ajutuussagaluarpata allat suliaqartartut sillimasiisarfinni misilittagaqluartut suliaannik nangitsisinnaanissaat isumannaarneqassavoq uani siunnersuummi.

Kingullertullu pineqarput teknikkut pingaarutillit allanngortinneqarnissaat uani inatsisip massakkut ullutsinni atuunnerata tulluukkunnaarsimanerisaasa kingunerisaanik pingaartutut allanngortiterneqassapput.



allannguinissamik quelequttat pingaartutut taasaat ukuupput:

- *Sulinermi ajutoornerni akuersaarnissamut apeqqummik sukangannginnerusumik nalilersuineq*
- *Inatsisitigut aalajangikkatut killissarisanik atorunnaarsitsinerit*
- *Sulinermi ajutoornernik nalunaarutiginninnermut piumasaqaatit allanngortitat*
- *Aningaasangortitsinermut naleqqersuutit nutarsakkat*
- *Aalajangiussinernik aalajangiussaasimasunik tamanik nalilersueqqinnissamut Arbedsmarkedets Erhvervssikringimut aqqtissiuineq*
- *Sillimmasiisarfik akiliisinnaajunnaaraangat imaluunniit sulinermi ajutoornermut sillimmasiissutnik ingerlatsinissamut akuersisummiq arsaarneqaraangat, sulinermi ajutoornermut sillimmasiisiernik aqutsinerup Erhvervssikringimiit ajutoornermut sillimmasiisarfnnut Garantifondimut nuutsinneqarnera*
- *Nioqqutinut akisussaafeqarnermut malittarisassianik sunnivigeqateqarneq*
- *Aalajangersakkat sinneri teknikkertaanut tunngsut.*

Uani tusarniaanermi siumuminngaaniit maluginiarsimavarput sulisartut kattuffianinngaaniit qisuarialt tassa toqasoqarnermi ikaarsaarfimmi aningaasat tassaniiginnarnissat kissaatigineqarsimasoq. Tamanna aamma ataatsimiititaliamit eqqartorluarneqarnissaa kissaatigissavarput.

Naalakkersuisut Inatsisissaq nutartigaq ullutsinnut tulluarsagaq siumuminngaaniit nunatsinni innuttaasunut iluaquataalluarnissaanik kinguneqarluarnissaalau naatsorsuutigilluinnarparput. Taamaammat Naallakkersuisut siunnersuutaat ilalerlugu aappassaaniinnginnerani ataatsimiititaliamut susassaqartumut ingerlateqiipparput.

Mala Høy Kúko

Siumut